

光緒重修安徽通志

重修安徽通志卷六

皇言紀

高宗純皇帝詔諭

雍正十三年

奉

天承運

皇帝詔曰惟我國家受

天眷命

太祖

太宗創垂基緒

世祖統一萬邦

皇祖聖祖仁皇帝享祚久長重熙累洽我

皇考大行皇帝紹承大統御宇十有三年夙夜憂勞勤求郅治用康乂
我億兆臣民盛德豐功炳耀寰宇恩膏洋溢漸被八紘薄海時雍中
外蒙福方期永綏隆祚仰荷鴻禧何意奄棄臣黎遽升

龍馭以

宗廟

社稷之重屬於藐躬朕自沖齡卽蒙

皇祖撫育宮中深恩鍾愛睠昧逾常

皇考顧復恩慙

聖慈篤摯瞻依朝夕祇受

誨言牖迪有加

宸衷默眷朕自惟涼德懼弗克勝顧念神器不可久虛勉抑哀衷欽遵
成命於九月初三日祭告

天地

宗廟

社稷卽皇帝位以明年爲乾隆元年仰惟

上天篤祐之隆

皇考詒謀之重撫躬乾惕祇紹

前徽丕布新恩聿昭錫類所有合行事宜條列於左

上諭各省民欠錢糧十年以上者已於恩詔內概予蠲免其餘未完民欠尙係應徵者朕思續緒方初惟當繼述我

皇考惠養黎元之至意俾服疇力穡之人均沐恩膏積逋全釋若未蠲之項尙事徵收民間不無煩擾茲特再行降旨於恩詔外將雍正十二年以前各省錢糧實欠在民者一併寬免從前江南積欠錢糧內曾有官侵吏蝕二項乃從民欠中分出者比時差往大臣官員辦理

原不妥協亦著照民欠例寬免此朕仰體

皇考誠求保赤之仁深願吾民厚生正德之意各省軍民人等身受國恩至渥自應感動天良屏除陋習明守法奉公之大義循則壤成賦之常經共爲良民免追呼之擾累儻疲玩性成不知悛改則是吾民中最爲愚頑之人既無畏威之念亦鮮懷德之心國法具在朕亦不能爲之寬貸也爾等卽交部遵行

上諭從來帝王撫育區夏之道惟在教養兩端蓋天生民而立之君原以代天地左右斯民廣其懷保人君一身實億兆羣生所託命也書稱正德利用厚生惟和又云惟土物愛厥心臧蓋恆產恆心相爲維繫倉廩實而知禮義理所固然則夫教民之道必先之以養民惟期順天因地養欲給求俾黎民飽食暖衣太平有象民心自順民生優裕民質自馴反樸還淳之俗可致庠序孝弟之教可興禮義廉恥之

心可敦也我朝

列聖敬

天勤民垂統萬世

皇祖聖祖仁皇帝六十餘年久道化成重熙累洽所以惠養元元禮陶
樂淑者至周至備惟是國家承平日久生齒日繁在京八旗及各省
人民滋生蕃衍而地不加廣此民用所以難充民產所以難制也我
皇考宵旰孜孜勤求治理惟恐一夫不獲其所重農貴粟之教屢頒撫
循蠲賑之惠頻下南北之營田水利無不興修內外之開墾種植無
不綜理凡此實政實心一以誠敬貫徹始終十三年有如一日皆朕
所親承目覩拳拳服膺者也朕生長深宮瞻依

皇考慈顏惟知承歡膝下懋學書齋卽如日用衣食之需悉由
恩賜豐贍饒裕不煩問所從來此固

皇考昊天罔極之恩難以明言而爲君之難亦惟身履其地者然後知聖人之言爲至當也今朕繼承大統身爲人主衣租食稅則自今始一絲一粟皆四海小民所經營供御者矣朕思飲饌被服皆出自海內脂膏宮室器用皆取自閭閻拮据尙安忍少有糜費侈用之心以傷民力而耗民財乎又安忍已垂裳而聽天下之民有寒不得衣已玉食而聽天下之民有飢不得食者乎禹思天下有溺者由己溺之稷思天下有飢者由己飢之自古聖君賢臣自任之重者皆動於至誠迫於至理有萬不容已者也朕日夜兢兢時廬本固邦寧之至慮以

皇考之實心爲心以

皇考之實政爲政凡供膳品味之類無所加增衣服器用之屬無所濫費宮室苑囿之區無所改營爰賴中外諸臣共體朕心以成朕志於

民生日用所由阜成民生樂利所由豐豫之處在在求其實濟事事謀其久遠勿以虛文而澤不下逮勿以小利而計不圖全勿作無益以害有益勿股民生以厚己生果能恆產有資將見恆心自啟

皇考聖訓所謂三代之治必可復堯舜之道必可行者庶能繼述萬一此朕中心乾惕之誠並非因卽位之初爲此邀譽近名之語以博天下臣民之感頌朕心務收實效豈肯徒託空言但天下至大兆民至衆非朕一人所能獨理內而閣部八旗大臣外而督撫藩臬有司均受國家深恩有惠養斯民之責者當其思勉崇儉戒奢視國事如家事以民身爲己身痼瘼一體休戚相關各殫誠心期登斯民於衽席則賞功酬庸之典朕必從優舉行若苟且因循視同膜外律以溺職更復何辭勉之特諭

上諭據果親王密奏江南等省漕項蘆課及學租襍稅等銀亦係雍正重修安徽通志

卷六

十二年以前之民欠似可照例豁免特行請旨等語朕思此等欠項實係應免者果親王分晰詳明據實陳奏甚屬可嘉著全行豁免並令嗣後遇有恩詔俱將各項入於豁免之內永著爲令果親王秉性忠直辦理部務悉本公心是以蒙

皇考深知優獎推誠信任而王亦不屑以寬慈邀譽是以外閒或有嚴厲之疑皆不知王之居心者又或有司員奉行不善之處亦未可定實與王無預今觀密奏蠲免漕蘆等項舊欠一摺則王存心寬厚辦事公明卽此可見著將原奏及朕此旨宣示九卿共知之

上諭江南江西湖廣等省正供錢糧款內有蘆課一項凡蘆洲俱係沿江沙灘坍漲靡定是以定例五年一丈量令地方官勘踏新舊坍漲沙地據實報聞而不肖官吏往往借此納賄行私已坍之地不得豁正賦新漲之區反可脫漏升科此種積弊甚爲民害嗣後屆期丈

量著該督撫於通省道員內選廉能夙著者率同該州縣官履畝清查凡有盈縮俱按現在實數升除毋使漏課亦毋使賠糧其不肖官吏或尙有借端需索等弊卽行指名參處不得姑容徇庇自干咎戾
特諭

上諭比來殷富之家有願出己財以賑恤鄉里者卽周官五黨相賙通財救荒之遺意是以

皇考恩賜議敘以鼓勵風俗而又恐因是或滋弊端於本年五月閒山西巡撫石麟奏稱太原府紳衿士民捐銀貯公以備周恤一招

特降諭旨以爲好義樂施者大都由地方之水旱饑饉捐資賑助卽平常無事時或置義倉義田及養老育嬰等事必出於本人之誠心而又能親身料理始可以惠鄉閭而收實效石麟於地方現無應辦之事而乃奏紳衿士民捐銀以備公用直是另開捐納之條而胥吏士

豪乘此得以侵蝕與所降原旨不合曾經嚴加申飭並令向後不得無故捐銀交官是

皇考於獎誘善良之中而預防其流弊至深且悉也朕觀各直省捐助一事或督撫欲博化民善俗之譽授意屬員或有司欲邀勸輸宣力之名多方迎合竟至抑勒誅求計家資之豐約定捐輸之多寡甚至假公苛斂中飽侵漁名曰利民而適以病民誠有如

皇考諭旨中所慮及者嗣後各州縣如遇荒歉及修城築隄公事果有殷實良民實情樂輸者許親赴布政司具呈詳請題奏地方官不得自行申報其他如倡立義田義倉義學義冢許具呈本州縣詳報上司立案仍聽本人身自經營胥吏土豪不得干涉希圖漁利該督撫體公核實大者題請小者量行旌獎儻有官吏勒派該督撫失察並有徇庇者均照例分別處分至於道不拾遺蓋以孔子至聖德盛化

神所治僅蕞爾之魯故偶一有之成康之際周召輔治百度修明刑措四十餘年不聞有此則非人情所常有之事而政治之美不徒恃此子子之小義可知矣近見諸督撫以此陳奏者漸多若不加禁遏恐滋奸民邀賞有司干譽之弊諸督撫果能實心體國子育蒸黎休養導化使衣食滋殖仁讓相先太平之象自有蘊蒸而不可掩者亦不在道不拾遺之一節也嗣後卽果有此該州縣量行獎賞不得申詳該督撫亦不得以此陳奏特諭

上諭江南太平府蕪湖縣雜派糧銀卽行寬免

恭紀食貨志蠲賑

上諭朕卽位之初加恩海內民人已降旨將雍正十二年以前各省民欠錢糧悉行蠲免俾閭閻無催科之擾因查兩淮鹽場竈戶應徵折價錢糧亦有未完之項當與民人一體加恩者著該部卽速傳諭總督趙宏恩鹽政高斌將雍正十二年以前舊欠若干一一查明照地重修安徽通志

丁錢糧例奏聞蠲免俾竈戶均霑實惠毋使胥吏滋弊中飽

恭紀食貨志蠲賑

賑

上諭向來州縣徵收錢糧因銀色有傾銷之耗折解送有路途之盤費故於正項之外徵收耗羨原無定額其廉潔者尙知自愛不肖者任意徵求而督撫以至道府等員於中收受節禮陋規互相容隱弊難究詰嗣經巡撫諾岷田文鏡倡爲提解歸公之法各該督撫就本省情形酌定分數徵收以爲各官養廉及地方公事之用除所定分數外絲毫不許濫徵蓋以耗羨原屬額外之項與其聽地方官私行徵取不如明定分數使有節制不敢違越也然在未提解以前尙爲私項旣提解以後或恐不肖官員視同正課又得於耗羨之外巧取殃民從前

皇考洞見流弊屢降諭旨欲俟將來虧空全清府庫充裕之日漸減漸

革

聖心塵念未或忘之朕紹承大統念切民依孜孜軫恤日與王大臣等
悉心籌畫期使吾民於正項之外絲毫無擾而一時勢有未能尙需
從容計議惟是提解耗羨之法行之已十有餘年恐日久弊生奸吏
夤緣股削耗外加耗重困閭閻不可不爲深慮著各該督撫嚴飭有
司咸體朕意知耗羨一項可減而決不可增可於額內從寬而斷不
可於額外多索儻於所定分數之外或又借估色或又借添數爲名
多取絲毫者該督撫卽行題參重治其罪儻督撫徇隱不舉或經科
參定將該督撫等一併嚴加議處再各省耗羨分數率在加一上下
然江南賦重之區如蘇松常鎮四府額賦較之他省幾及數倍雍正
六年以前每兩加耗僅止五分雍正六年以後增至加一且有司又
復巧取苛索民何以堪其令江南督撫詳加酌定量減分數徵收不

得仍前重耗國民儻敢陽奉陰違朕必於該督撫是問特諭

上諭向來漕項銀兩不在蠲免之例朕前已降旨特行豁免以紓民力
今查各省尚有帶徵漕米原應如期輸納但民間已完現年漕米又
完先年畱米民力未免艱難著該部傳諭辦漕各省督撫等將雍正
十二年以前未完帶徵緩徵本色改折銀米逐一查明奏聞豁免

食貨志

蠲賑

旨豁免直隸江蘇安徽浙江河南山東等省

恭紀食貨志蠲賑

上諭江南太平縣稌派錢糧永行免納

恭紀食貨志蠲賑

上諭朕臨御以來加惠元元將雍正十二年以前各省民欠錢糧悉行
寬免誠以民爲邦本治天下之道莫先於愛民愛民之道以減賦蠲
租爲首務也惟是輸納錢糧多由業戶則蠲免之典大概業戶邀恩
者居多彼無業貧民終歲勤動按產輸糧未被國家之恩澤尙非公

溥之義若欲照所蠲之數履畝除租繩以官法則勢有不能徒滋紛擾然業戶受朕惠者十苟捐其五分惠佃戶亦未爲不可近聞江南已有嚮義樂輸之業戶情願捐免佃戶之租者閭閻興仁讓之風朕實嘉悅其令所在有司善爲勸諭各業戶酌量寬減彼佃戶之租不必限定分數使耕作窮民有餘糧以贍妻子若有素封業戶能善體此意加惠佃戶者則酌量獎賞之其不願者聽之亦不得勉強從事此非捐修公項可比有司當善體朕意虛心開導以興仁讓而均惠澤若彼刁頑佃戶藉此觀望遷延則仍治以抗租之罪朕視天下業戶佃戶皆吾赤子恩欲其均也業戶沾朕之恩佃戶又得拜業戶之惠則君民一心彼此體恤以人和感召

天和行見風雨以時屢豐可慶矣特諭

乾隆元年

上諭爲治之道在乎休養生民而民之所以休養在乎去其累民者使其心寬然自得以各謀其生各安其業而後富足可期此在親民之吏隨事體察惟恐毫末有累於民而已朕思我

皇考世宗憲皇帝誠求保赤有孚惠心蠲免額徵寬減浮糧偶有水旱災祲舉行賑恤如救焚拯溺仁心仁政千載莫並而民生猶不得寬裕者大率由督撫大臣不能承宣德意而有司中刻覈居心昏庸寡識者或以苛察爲才能或受蔽蒙而不覺以致累民之事往往而有也卽如催徵錢糧而差票之累數倍於正額拘執獄訟而株連之累數倍於本犯抽分關稅而落地守口給票照票貧民之受累數倍於富商至查拏賭博黃銅以及私宰私鹽之類胥役營兵因緣爲奸佐貳雜職橫肆貪酷一案而化爲數案一人而波及數人如此等者不可枚舉似此擾累吾民無怪乎民多不得自安其生業而朝廷之德

施終不能盡致閭閻於康阜也嗣後各直省督撫所以董率屬員者務以休養吾民爲本而一切擾累之事速宜屏除庶民生可遂而民氣以舒然督撫中之不善會朕旨者又恐因此而謂諸事可以不辦將轉成廢弛之習不知寬大之與廢弛判然不同不顧民生事務紛更以矜幹濟者外似振作而實則廢弛也勤卹民隱安靜惻惻以培元氣乃非廢弛而真能振作也其尙各體朕意欽此

謹增

上諭私鹽之禁所以除蠹課害民之弊

恭紀食貨志
鹽法 謹增

上諭朕聞姦宄不鋤不可以安善良風俗不正不可以興教化閭閻之大惡有四一曰盜賊三代聖王所不待教而誅者也二曰賭博干犯功令貽害父兄以視周官之罷民未麗於法而繫諸嘉石收之園土者罪有甚焉三曰打架卽周公所謂亂民孟子所謂賊民也四曰娼妓則自周以前人類中未嘗有此此四惡者劫人之財戕人之命傷

人之肢體破人之家敗人之德爲善良之害者莫大於此是以我
皇考愛民之深憂民之切嚴申糾禁戒飭守土之官法在必行日夜捕
緝積歲月之久然後道路少響馬及老爪賊而商旅以寧賭博及造
賭具者漸以改業而家室可安聚黨打架者斂跡而城市鄉鎮鮮聞
鬪毆娼妓不敢淹留於客店此

皇考十有三年政教精神所貫注而海內臣民顯見其功效實享其樂
利者也朕自嗣位以來蠲免租賦豁除賠累裁革積弊增廣赦條無
非惠保良民使得從容休息衣食滋殖而無識諸臣誤謂朕一切寬
容不事稽察以致大小官吏日就縱弛民間訛言諸禁已開風聞直
省四惡皆微露其端倪卽如天津一帶私鹽橫行無忌恐其他類此
者相繼而起是守土之官敢悖

世宗憲皇帝之明旨墮十有三年之成功而戕賊善良傷敗風俗也自

後州縣官有政令廢弛使四惡復行於境內者該督撫不時訪察卽行嚴參督撫司道郡守有不能董率州縣殫心捕治者或被內外臣工核實列奏或朕訪聞得知必以溺職治罪與通苞苴受賄賂等決不輕貸爾諸臣慎毋泄沓沓自取殃咎戒之謹

上諭朕聞泗州地方

恭紀食貨志蠲賑

上諭聞江南長江一帶向有貢獻鱗魚之例至康熙年間停止因而地方改爲折價向網戶徵收解充地方公用乃歷年旣久或網戶改業或移徙他方展轉牽連又加胥吏借端苛索遂至沿江捕魚之人代受迫呼之累朕思當年

聖祖仁皇帝停止貢鮮乃愛惜民力之至意何用此些須折價煩擾小民著該督撫查明豁免永著爲例

上諭聞江南佐雜等官向來未有養廉該省事務繁多差遣絡繹倍於重修安徽通志

卷六

他省徵員俸少力薄未免衣食艱難查江蘇有不充餉之鹽規銀兩安徽司庫有存公耗羨銀兩著總督趙宏恩巡撫顧琮趙國麟公同

查核倣照江西湖廣之例酌定數目每年賞給以爲養廉示朕體恤

徵員之至意

部議查江蘇省徵員內教職驛丞二項所領俸薪尙堪支持似可毋庸議給其布按糧道及各府首領各州縣

佐貳雜職等官共三百五員內蘇州府經歷管轄社壇通州州

同有彈壓沙民之責經前任撫臣喬世臣高其倬先後議給每

年養廉銀八十兩此外三百三員酌議每員各給養廉六十兩

計三百三員每年需養廉銀一萬八千三百四十兩查鹽規解

司時有遲早養廉計日待需請將存公耗羨通融抵放就各員

附近州縣徵收耗羨銀內自奉旨之日爲始按月坐支

統俟歲底歸款報銷

上諭朕聞江南江西湖廣地方襟江帶湖廣袤數千百里設立塘汛所

以衛商民防盜賊也近訪得不肖兵丁疏懶廢弛養盜貽患受其規

禮分其贓物爲之聲援嚮導及細求其故多因兵丁攜帶家口安土

重遷與地方奸匪往來熟識以致事前無忌事後無蹤放膽遊行竟

成盜賊之淵藪夫汛兵頻數更替出其不意則與賊無從結識有縱盜之咎無夥賊之利亦何樂乎爲此顧任其挈妻孥飽谿壑荏苒多警鈴柝空存徒法不能以自行非此之謂歟朕又聞江岸湖邊船隻成羣任意攬載奸良莫辨商民被劫所在多有雍正五年定例令地方官取具船戶鄰佑保結編列號次刊刻姓名給以印照不時稽查而漁船出沒無常藏奸更易亦依陸地保甲之法許以公首懲以連坐乃日久怠忽總不奉行夫兵弁竭力防緝則盜賊不致蔓延船戶隨在清查則盜賊無由混襍然必須封疆大吏刻刻畱心時時察訪規條賞罰整肅嚴明方能著有成效至汛兵更替之法尤當因地制宜俾兵丁得顧其室家而地方仍資其防衛是又在封疆大臣實心區畫善爲經理不徒在文告之虛辭也著各該省督撫悉心詳議奏聞特諭

上諭朕聞河南永城縣地方於本年四月內黃水忽發從江南碭邑之毛城鋪牖口洶涌南下將申公隄視家水口衝坍並東首古隄亦衝二缺潘家道口等集一帶平地水深三五尺不等雖未損傷人口而二麥被淹房屋亦有傾圮者朕已切諭豫省巡撫等將被水民人加意賑恤毋令失所外查潘家道口一帶地方年來屢遭水患自應亟爲疏通爲久安百姓之計但此水下流多在江南蕭宿靈虹睢寧五河等州縣今若止議挑濬上源而無疏通下流之策則水無歸宿之區仍於河渠無所裨益著河南巡撫富德會同江南總督總河各委賢員會勘明確公同妥議速行辦理務令水害永除閭閻安堵以副朕爲民除患之至意

上諭朕夙夜孜孜任賢圖治惟期內外大小臣工共砥廉隅以襄治理今列茲庶位者讀書科目之人不少正宜宣力國家以副朕望乃人

品不齊拜官除職之際竟有不念官守之當如何而盡政事之當如何而舉輒咨問於缺地之豐嗇計較於養廉之多寡者士大夫聞之恬不爲怪良可慨歎抑或身任繁要而致羨於優閒或位列清華而垂涎於豐膴豈先資拜獻者之所宜出此哉董子曰正其誼不謀其利明其道不計其功士人稽古入官當以遠大自期安可謀食懷居甘自菲薄且朝廷設官各有分司惟當各盡職守主錢穀者必謹出納之數理刑名者必諳律例之條大僚有恭儉惟德之思一命有存心愛物之志豈可萌出位願外之妄想自曠當官之職業列爲諸臣者務宜痛自警省精白乃心靖共爾位不負讀書二字嚴義利之辨立廉恥之防庶幾風俗古而人心端斯吏治清而民生厚朕實有深望焉

下諭上下兩江及江右鄉村五六月閒連值陰雨山水驟漲有水淹處

所據各該撫奏報朕已批諭速行賑恤安插今據總督趙宏恩將各
被水情形具摺彙奏朕又批令督率屬員盡心賑恤務使災黎得沾
實惠朕思江南江西被水鄉村雖係連陰驟漲止屬近山近水之區
然被災之家俯仰無資甚可憐憫所當加意撫綏毋令少有失所其
水勢旋即消退之地固可補種雜糧而低窪積水之田不能補插秧
苗者更宜確加查勘酌免本年額賦至房舍量加修葺籽粒應否給
助之處俱著悉心料理以副朕愛養元元至意

上諭從來經學盛則人才多人才多則俗化茂

恭紀學
校志

上諭書院之制所以導進人才廣學校所不及我

世宗憲皇帝命設之省會發帑金以資膏火恩意至渥也古者鄉學之
秀始升於國然其時諸侯之國皆有學今府州縣學並建而無遞升
之法國子監雖設於京師而道里遙遠四方之士不能齊會則書院

卽古侯國之學居講席者固宜老成宿望而從遊之士亦必立品勤學爭自濯磨俾相觀而善庶人才成就足備朝廷任使不負教育之意若僅攻舉業已爲儒者末務況藉爲聲氣之資游揚之具內無益於身心外無補於民物卽降而求文章成名足希古之立言者亦不多得寧養士之初指耶該部卽行文各省督撫學政凡書院之長必選經明行修足爲多士模範者以禮聘請負笈生徒必擇鄉里秀異沈潛學問者肄業其中特才放誕不羈之士不得濫入書院中酌放朱子白鹿洞規條立之儀節以檢束其身心俶分年讀書法予之程課使貫通乎經史有不率教者則摺斥勿畱學臣三年任滿諮訪考檢如果教術可觀人才興起各加獎勵六年之後著有成效奏請酌量議敘諸生中才器尤異者准令薦舉一二以示鼓舞特諭

上諭史書詳志河渠經術兼明水利誠以國計民生所關也果使水道重修安徽通志

卷六

三

疏通脈絡流注陂澤非沮洳之數隄防有蓄洩之方旱澇有備而田
廬無虞其有裨於閭閻誠非淺鮮我

皇考軫恤黎元興行水利凡直省泉源河湖莫不濬導俾民得以灌溉
轉漕爲腴至於蘇松之太湖吳淞白茆劉湖歸海要道並淮揚之槐
子烏塔河泰州如皋運河串場車路海溝等河尤不惜帑金專員督
理將各河故道或爲豪彊侵占者諭令嚴查清出始得一一開通建
牐築隄按時啟閉使近水田畝均沾膏澤貨船鹽艘過行無阻利賴
甚溥但自開濬以來已越數年圩岸不無坍塌泥沙泥不無淤積朕思
與其歲久濬築事難費倍不若逐年疏葺事易費省著江南督撫暨
河道總督令管理水利河務各官及濱河州縣各於所屬境內相視
河流淺阻每歲農隙募夫挑挖定爲章程逐年舉行必令功施可久
惠濟生民毋得視爲具文玩誤工作及陽奉陰違絲毫擾累特諭

上諭各省學政有衡文育才之責關係綦重從前各貴養廉資其用度俾得堅持操守砥礪廉隅衡鑒公明其襄國家作人之鉅典天下人文繁盛應試眾多者莫如江南而江南學政養廉江蘇二千兩安徽一千五百兩較他省爲少以此養贍家口延致幕賓未免不敷所當加恩體恤者著從今秋爲始上下兩江學政養廉各賞銀四千兩使伊等用度從容益得盡心於職業以副朕任官課士之至意

乾隆二年

上諭豁免安徽未完地丁米穀

恭紀食貨志蠲賑

上諭上下兩江雨澤愆期收成歉薄

恭紀食貨志蠲賑

乾隆三年

上諭各省地方偶有偏災朕查蠲免錢糧舊例被災十分者免錢糧十分之三八分七分者免十分之二六分者免十分之一雍正年間我

皇考特降諭旨凡被災十分者免錢糧十分之七九分者免十分之六八分者免十分之四七分者免十分之二六分者免十分之一實愛養黎元軫恤民隱之至意也朕思田禾被災五分則收成僅得其半輸將國賦未免艱難所常推廣

皇仁使被災較輕之地畝亦得均沾恩澤嗣後著將被災五分之處亦准報災地方官查勘明確蠲免錢糧十分之一永著爲例

上諭江南地方今年五月雨澤短少六月雖經得雨未能霑足朕心甚爲憂慮已屢降諭旨令該督撫預爲籌畫悉心經理今思冬月卽徵收漕糧之時田畝旣苦歉收則官糧難以輸納著該督撫出示暫停徵收將是否成災及成災分數逐一確查其成災者自應照例題請豁免卽不成災之處收成旣薄需米孔殷亦應照雍正十二年之例每米一石折銀一兩徵收計算此時米價在小民辦納已省一半之

費而地方多留米穀於民食又大有裨益該部可卽速行文諭江南
督撫知之

上諭從前頒發

聖祖仁皇帝御纂經史諸書交直省布政使敬謹刊刻准人刷印

恭紀學校

志

上諭士子於書藝之外當令究心經學

恭紀學校志

上諭朕思惠養斯民之道以輕徭薄賦爲先凡各省田糧偶有些微偏
重之處悉已陸續查明豁免以紓民力今查得安徽所屬懷遠衛軍
田十三頃每畝徵銀八分八釐零又田二頃每畝徵銀六分二釐零
較之民田未免稍重著照蒙城縣民田之例每畝徵銀二分一釐零
其免銀九十八兩八錢七分又平武衛軍田五千二百九十一頃每
畝加徵銀七釐三毫零除現在禁衛田之私典等事案內每畝應

贍運銀一釐七毫外每畝著減去加徵銀五釐五毫零其免銀二千九百六十二兩六錢五分該部卽遵諭行文該督撫從乾隆三年爲始永著爲例

乾隆四年

上諭朕念切民生時座宵旰或各省督撫陛見或遇司道各員請訓務以編氓疾苦備悉諮詢惟期海寓蒼生培固元氣上年直隸江蘇安徽三省

上蒼示警遂使吾民有乏食之虞朕甚憫焉今年幸賴

上蒼恩佑各省春雨頗周足資耕種重念三省之民幸有以安其心尙未能復其舊其被災處所旣已蠲賑頻施屢頒諭旨茲當開徵之期在被災者固屬艱難而未被災之地同在一省雖有輕重之分而乏食受困則一用是特頒諭旨將直隸總督所屬今年地丁錢糧蠲免

九十萬兩蘇州巡撫所屬今年地丁錢糧蠲免一百萬兩安徽巡撫所屬今年地丁錢糧蠲免六十萬兩該督撫務將朕旨家喻戶曉俾閭閻均受實惠庶幾和氣致祥以仰答

上天之恩以培民生之本儻有貪官汙吏借端苦索或私行徵收者該撫不時查參該部卽遵諭行

上諭南方號稱水鄉長江大湖洪濤巨浸每遇風浪驟發人力難施向有設立救生船之處每年頗多救濟但恐經費不足則爲數無多而稽查未周則爲善不力著各省督撫確查所屬地方有險阨之處應設救生船隻者酌動存公銀兩估計修造每年給與水手工食若干並交與地方官載入交盤冊內永遠遵行毋許始勤終怠

乾隆五年

上諭朕聞江省歲額錢糧地丁漕項蘆課襍稅之外又有名爲襍辦者

恭紀食貨
志稿從

上諭大學士九卿等恭紀選
舉志

乾隆七年

上諭數月以來雨澤稀少朕宵旰靡寧虔誠祈禱雖得微雨未為霑足
 從前因天時亢旱曾降旨清理刑獄今著刑部將在部各案內有牽
 連待質者及輕罪內情有可原者或應省釋或應末減會同都察院
 大理寺悉心詳查妥議具奏至於直隸山東江南三省目下雨暘不
 均亦著照此例行嗣後各省如遇災眚之年著該督撫將清理刑獄
 之處奏聞請旨

部議軍流以下人犯除情罪較重仍照原擬治罪外
 徒三年徒罪均減為各杖一百至軍流徒罪折枷號人犯並原
 犯枷號人犯與杖各鞭責罪輕人犯悉行省釋其減免人犯內
 有例應追解刺字遞解管束者仍照例分別追解刺字遞回旗
 籍安插收管至現在行查未覆及纔經到部未及審結者既事
 在欽奉恩旨以前應於審結之日如係枷杖輕罪仍行
 寬免如係軍流徒罪及折枷人犯即於量題內聲明分別減免

旨

上諭上下兩江淮徐鳳穎等所屬州縣屢被水災今年水勢更大朕心時切憂勞多方籌畫期登斯民於衽席此等被災地方州縣官最關緊要必須忠誠惻怛實有與民休戚相關之意而其才具又能展布設施者俾得久於其任方能於地方有益若徒以才具見長而無實心爲民之念雖致飾於外而於撫恤之義又何補乎著該督撫畱心察看如現在各員果能勝任令其加意經理以觀成效如有不能勝任者或於通省屬員揀選補授或於命往江南人員內揀選題補苟得其人卽令久於其地不必速升漢之賢能二千石有賜級賜金而不屢遷者其道猶可法也如此則瘡痍可起元氣可復庶慰朕痼瘝在抱之至意

上諭江南水災之後亟宜講因地制宜之策

崇禎何渠志

上諭上江鳳潁泗三屬連年被潦民困爲甚著再借與口糧

恭紀食貨志蠲賑

上諭拔貢十二年一舉

恭紀選舉志

上諭大學士九卿

恭紀選舉志

上諭各省常平倉穀每年存七糶三

恭紀食貨志儲蓄

上諭江南水漲逾常著該督撫勘明被災各州縣分別具奏

恭紀食貨志蠲賑

乾隆八年

上諭朕君臨天下愛養黎元拯災恤困夙夜孜孜惟思去其顛危登之
衽席並望風俗茂美人心淳樸各葆天良以召和氣夫然而朕責始
盡朕心始慰上年上江夏秋被水朕痾瘝念切蠲賑頻施特命大臣
前往會同該督撫加意撫綏又令興修水利整理河防救目前之災
荒弭將來之水患所費帑金以千百萬計而倉廩漕儲遠近接濟凡
有關於民食者莫不移緩就急養欲給求所以體

上天仁愛之心盡父母斯民之道亦既殫宵旰之經營矣爲士庶者當知國家恩恤已逾常格務令各安其本業其勸勉爲馴良始無負朝廷勸恤民隱之至意乃聞各屬災民其實知感恩靜待給賑者固多而無知愚氓有以查賑稍遲聚眾強求者且有並未遲緩已得賑糧仍隨眾攀號希心分外者更有狡猾之徒本籍賑過卽攜眷逃荒復赴鄰境鬻養及至下月又奔回本籍領賑者甚而本非無業貧民串通胥吏混入賑冊或依藉聲勢冒濫與賑種種情弊層出不窮且沿途呼索男女混襍喧嘩悍潑罔顧廉恥而各屬生監藉有貧生一體賑恤之例卽家非窮窶亦冀邀恩所求不遂卽從中生事煽惑阻撓身列衣冠恬不知檢士習民風澆漓若此其有關於人心風俗實非淺鮮夫蠲除賑貸原係國家之恩澤各屬災民平時不知爲未雨綢繆之計及遇荒歉復不思刻苦營生竟若仰食公家可忘儉歲甚且

不以荒歉爲可憂而以荒歉爲可幸因特沛之恩膏敝無窮之希冀
本計不敷驕風日熾勢將何所底止習俗之漓莫此爲甚朕思德惟
善政政在養民而厚生尤宜正德安聚之後化導爲先其地方有司
雖有教民之責而刑名錢穀政務殷繁難以徧及卽學政教職衡文
課士亦不能兼理民事必特設專員巡行整飭實心化導方有裨益
著大學士等於翰林科道內揀選品行端謹通曉民事者四員授爲
宣諭化導使馳驛前往江南以二員整理下江之淮徐揚海四府州
以二員整理上江之鳳潁泗三府州令其親歷各屬鄉城計其道里
巡行一徧周而復始所至之地傳其紳衿士庶宣講

聖諭廣訓反覆開導使知驕詐之習不難懲之以法念此無知之輩皆
屬赤子朕心有所不忍務在感發其天良鼓動其廉恥俾明於大義
務本安分則革其頑情而薄俗可以還淳儻如此開導而猶怙過不

懷者卽加之以罪夫復何辭奉差官員無得視爲具文虛應故事其
儀制文移悉照各省學政之例給與欽差官員關防道府以下凡有
關於宣諭化導者聽其節制其餘一切地方事務不得干預以專責
成儼地方有司恃有宣諭化導使遂自怠其教民之職准宣諭化導
使會同該督撫題參

上諭積貯乃民食所關

恭紀食貨志儲積

上諭國家子惠黎元教養由來並重朕君臨天下宵旰維勤重農桑輕
徭賦所以養民者惟恐不周至於正人心厚風俗皆國之大務尤所
時廩於懷者凡中外臣工莫不諄切誠諭務使民間習尙馴良訟獄
衰息以漸臻風移俗易之效乃數年以來民風仍未還醇習俗每輕
犯法豈小民之不可牖迪歟抑牧令之教化不浹而德意未孚也古
者朝廷之政象魏懸書閭里之教月吉讀法三物六行匪徒具文我

聖祖仁皇帝聖諭十六條飭紀敦倫型方正俗精義超越前古

世宗憲皇帝萬言廣訓益加詳明愷切開導所以牖民覺世者至矣使地方有司竭誠宣布雖甚愚頑誰無天性亦必洗心滌慮革薄從忠
駸駸於上理無如實力奉行者甚少卽期望宣講不過在城一隅附
近居民聚集觀聽者僅數百人而各鄉鎮間有講約之所亦多日
久廢弛全無實際至所奉諭旨有關於教民者亦惟張挂告示視爲
通行之常例焉能使之悅耳革心翻然悔悟是以尙氣輕生狃於性
成作奸犯科常爲俗染及其怙終不悛而刑罰隨其後朕甚憫之夫
守令者民之父母古所稱忠信之長慈惠之師惟本至誠惻怛之意
以感動愚民使之各自警省又能隨時隨事委曲勸誘諒無不可化
誨之人亦無往而非敷教之地卽聽訟一端兩造具在鄰佑親族齊
集公庭正百姓耳目所屬推誠曉諭最易提撕不徒現犯者各自愧

悔前使旁觀者亦因此傳播交相勸勉若公事稍暇或請讀編審或
勸課農桑即可單車減從親歷鄉村遇父老子弟獎其善良懲其不
率申之以勸誠示之以榮辱循謹者益加鼓勵卽強悍者亦知戒懲
漸摩日久情性和順貪利好勝之心不作而一道同風之盛可幾矣
惟是百姓以守令之行事爲觀感守令以督撫之意指爲從違爲督
撫者果能董率所屬潛心化導實力奉行日計不足月計有餘斷未
有爲其事而無其功者若徒視爲虛文接到諭旨轉行牌示遂以爲
已經遵奉則亦何益之有各省督撫等受朕深恩畀以封疆重寄尙
其儆惕黽勉以無負朕諄諄誥誡之至意

上諭江南淮揚徐鳳潁泗五府一州上年水災甚重

恭紀食貨志蠲賑

上諭上年江南淮徐鳳潁等府遭值水災

恭紀食貨志蠲賑

乾隆九年

上諭人君以養民爲急務養民之道在使之上順天時下因地利殫其經營力作以贍其食非沾沾於在上之補苴救恤遂長恃爲資生之策也在昔善圖國是者謂以君養民則不足使民自養則有餘誠不易之論國家歲輸漕粟以實京師乃備天庾之出納關係最重或因偶遇災歉萬不得已而爲截留之計僅可開一行之豈遂視爲常法今內外臣工動以截漕爲請朕念切民依亦屢次允從出於一時之急濟其實京倉所貯雖云可備五年可備十年要僅爲官俸兵糧所必需若統爲京師人民計卽一二年恐亦不足供支況欲更分此以賑貸直省何未之思也漢文景開太倉之粟陳陳相因至紅朽不可食彼時豈無一方之凶歉而未聞輕議分減者誠以經國之大計務籌久遠在官在民於內於外莫不各有本圖舍本圖而謀兼濟事多未便勢且不能一有虧則兩俱損伊古以來無取焉上年各省倉儲

需米孔亟朕因偶爾變通將江蘇安徽浙江江西湖北湖南六省漕糧各留十萬石於本省並著江蘇浙江各將米十萬石運往福建江西將米十萬石運往廣東又因直隸天津河間被災前後撥通倉米八十萬石備賑今年又令山東截留二十萬石分貯接濟凡此皆因民命所關不得不變通辦理若小民不知各務生計而惟官糧是賴無論官兵之外斷不能徧給窮黎卽近漕之處可以議截留其遼遠省分更無漕可截留又將何以議給乎朕思一方之地力原可以養一方之人一家之人力原可以養一家之人古者九職任萬民一曰三農生九穀二曰園圃毓草木三曰虞衡作山澤之材四曰藪牧養蕃鳥獸何一非資生養贍之術爲民父母民事卽家事宜實力勸課隨時區畫俾地無遺利民無遺力則家有蓋藏自可引養引恬俯仰不匱儻督撫不能董率有司有司復不以田里樹畜爲事及歉收之

年但請給發倉糧截兩漕米爲督撫有司備賑之良策將使民間謂水旱可以不備不圖自食其力甚至游惰成風舉身家衣食之切務皆委之在官是非愛之實以害之矣天下之大億兆人民之眾惟正之供祇有此數焉得人人而濟之用是特降諭旨通諭直省督撫併飭守收等官各思所督何事所撫何事所稱知府事知州知縣事實應知何事凡以爲國計卽所以爲身計而不使民知各爲其身計其能爲民計者幾何繼自今督撫當體朕心勿怠民事懇切開導併飭良有司務使百姓各知自謀以裕生養之源不徒望恩倖澤而恩澤之加斯實足以利濟則豐年樂其降康歉歲亦可恃無恐朕願與諸臣其勉之

乾隆十年

上諭我朝

列聖相承深仁厚澤無時不加意培養元元以期家給人足百年以來
薄海內外物阜民康其享昇平之福朕臨御天下十年於茲撫育蒸
黎民依念切躬行儉約薄賦輕徭孜孜於保治之謨不敢稍有暇逸
常守節用愛人之訓凡以爲民也今寧宇牧寧旣鮮糜費之端亦無
兵役之耗所有解部錢糧原爲八旗官兵及京員俸餉之所需計其
所給較之宋時養兵之費猶不及十之一二至於各處工程爲利民
之舉者取給於存公銀兩卽朕偶有巡幸賞賚所頒亦屬無幾是以
左藏尙有餘積數年來直省偶有水旱朕加恩賑濟多在常格之外
如前年江南被水撫綏安插計費帑金千餘萬兩凡此皆因災傷補
救而沛恩澤者朕思海宇乂安民氣和樂持盈保泰莫先於足民況
天下之財止有此數不聚於上卽散於下仰惟我

皇祖在位六十一年蠲租賜復之詔史不絕書又曾特頒

諭旨將天下錢糧普免一次我

皇考時食宵衣勤求民瘼無日不下減賦寬徵之令如甘肅一省正賦全行豁免者十有餘年此中外所共知者朕以繼志述事之心際重熙累洽之候欲使海濱山陬一民一物無不均沾大澤爲是特降恩旨將乾隆丙寅年直省應徵錢糧通行蠲免

上諭各省蠲免正賦之年若有未完舊欠著一併停徵

恭紀食貨志蠲賑

乾隆十一年

上諭各省積儲原以備民間荒歉之用

恭紀食貨志儲積

乾隆十二年

上諭昨據工部具奏蕪湖工關

恭紀食貨志關稅

乾隆十三年

上諭邇年以來各省米價日見加增

恭紀食貨志儲積

上諭據舒輅奏稱上江各屬存貯節年未買糧價及本年糶價銀三十
七萬餘兩一時不能采買而頻年存貯州縣庫中將來恐不免於侵
挪現在籌酌如倉額未足與存價少者俱令將價先行解貯該管府
州之庫秋後領銀酌量采買其存價甚多倉穀未充一時不能買足
者分別酌留應買之數外餘價俱行提解司庫等語舒輅如此辦理
較爲妥協朕前降旨各省倉穀俱照康熙雍正年間舊額其餘皆停
止采買則所存穀價銀兩與其存留各州縣以啟侵挪之弊不如全
解藩庫以備臨時動撥可傳諭各省督撫將所有未買糧價及平糶
價銀可否照舒輅所奏提解司庫將來各州縣所有應用再從司庫
請撥亦爲妥便如康熙雍正年間舊額之內應行買補者其穀價仍
存州縣以備酌量買補若舊額之外所餘糧價銀兩有必應需用之
處准其分別酌留其餘悉令解司該督撫就各省形情悉心查辦仍

遵前旨一面將康熙雍正年間額數及現年實存糴借等項數目速行具奏應行動撥之處聽軍機大臣等會議此旨已經逾月各督撫多未奏到甚屬遲延著傳諭令其速行奏聞

或未經定額或定額無多間有檣冊不全難以稽考應照雍正年間舊額內惟雲南地處極邊不近水次西安甘肅沿邊積貯兼借軍需各該省雍正年間倉貯多寡無定應以乾隆年間所定之額為準又福建之環山帶海商販不通倉貯均宜充裕現在穀產穀無幾貴州之跬步皆山不通舟楫倉貯均宜充裕現在穀石照乾隆年間定額或多有不敷或僅可足額而較之雍正年間舊額頗覺有餘酌量三省情形請即以現存之穀作為定額其餘直隸江蘇江西湖北湖南山西廣西安徽浙江河南奉天山東四川等省應悉以雍正年間舊額為準似此酌定額數通計一十九省應貯穀三千三百七十九萬二千三百三十石零較之乾隆年間定額穀四千八百一十一萬六千八百八十石零減貯穀一千四百三十一萬八千三百餘石應令各督撫按所屬大小均勻存貯其間有轉運之難出產之寡地方之督撫要以及提鎮駐劄處所並各省犬牙相入之處彼此可以協濟者均應分別加貯再查乾隆年間加貯之穀均未如數捐足且近年各省賑恤撥運動輒數十百萬即出借之處無多直隸江蘇江西經綏帶停展是各省實存穀石溢額之處無多直隸江蘇江西湖北湖南山西廣西安徽山東四川雲南西安福建廣東貴州

一十五省皆係額外有餘奉天浙江河南甘肅四省皆係額內
不足查額外有餘省分內除四川現辦軍糧山東西安賑務未
竣動存數目尚難確計外其餘直隸等一十二省現在實存穀
並米折穀共一千六百二十萬八千六百八十二石零出借穀
並米折穀二百七十五萬七千一百一十石零平糶穀並米折穀
六十五萬八千八百一十一石零存價銀一百九十九萬五千
七十三兩零錢九萬五千七百五十六文今將實存並借糶
各數劃抵定額外約計溢額穀及以米折穀三百二十一萬九
千一百七十七石零存庫糶價銀一百四十二萬八千一百二
兩零又錢三萬六千二百三十三文零應令將現在溢額糶石
出借微還餘贖穀石以次出糶報部其現在溢額糶價提貯司
庫報部酌撥或額內出借穀石一時不能催交齊全而該處豐
收價平即於此項糶價銀內奏明酌留買補再額內不足省分
原應酌盈劑虛就近協撥但查奉天一省現據該府尹奏明以
徵收地米陸續補足河南現據該撫奏明本年收捐本色尚未
截報除抵補外缺額亦屬無幾浙江甘肅現存米穀尚為有備
且各該省鄰近省分實在穀石溢額之處無多均應以收捐本
色漸次補足毋庸彼此撥運至於存糶之法定例存七糶三然
風土有燥淫年歲有豐歉價值有貴賤地方有衝僻各省情形
不同向來辦理亦量為增減其每年平糶之穀例於秋後原價
買補然價平則買價貴則停總在地方大吏因時因地妥酌奏
辦再查收捐監穀原所以實倉儲而備荒歉今常平倉貯既經
定額則收捐監穀自毋庸於額外增貯除不敷定額省分仍以
收捐補足外其餘額外有餘各省所收本色應令另案存貯遇有

賑恤卽於此內撥用或平糶穀石不能買補卽將此項穀石撥抵所存糧價造報酌撥至各省常平倉穀之外另有倉貯如河南之漕倉安徽之江甯省倉浙江之永濟倉玉環同知倉廣東之廣糧通判倉福建之新設臺灣倉以及各省之社倉鹽義等倉或因地利制宜以資接濟或自爲捐輸以備歉收皆不在常平額內應令各該督撫照舊存貯各歸本案辦理另造細冊報部查核江蘇省照雍正年間定額米九十四萬二千石江西省照雍正年間額穀一百三十七萬七千一百一十三石零

乾隆十四年

上諭江南督撫等以該省紳耆士庶望幸心殷合詞奏請南巡朕以鉅典攸關特命廷臣集議今經大學士九卿等援據經史且稽

聖祖仁皇帝六巡江浙謨烈光昭允宜俯從所請朕軫念民依省方問俗郊圻近省不憚躬勤鑾輅江左地廣人稠素所廕念其官方戎政河務海防與凡閭閻疾苦無非事者第程途稍遠十餘年來未遑舉行屢嘗敬讀

聖祖實錄備載前後南巡恭侍

皇太后鑾輿羣黎扶老攜幼夾道歡迎交頌

天家孝德心甚慕焉朕巡幸所至悉奉

聖母皇太后遊賞江南名勝甲於天下誠親掖

安輿眺覽山川之佳秀民物之豐美良足以娛暢

慈懷既詢謀僉同應依議允從所請但朕將以明年秋幸五臺經太原

歷崞洛趙魏回鑾已涉冬令南巡之典當在辛未年春正我

聖母六旬萬壽之年也將見巷舞衢歌騰歡獻

祝稱朕以天下養之至愛上以廣承

歡之慶下以慰望幸之忱益深嘉悅屆期諏吉以聞嚮道人員朕酌量

先期簡派前往清蹕所至簡約儀衛一切出自內府無煩有司供億

至行營宿頓不過偶一經臨卽暫停亦不逾旬日前歲山左過求華

靡多耗物力朕甚勿取曾經降旨申飭明歲晉豫等省以及江南俱不可做徵至名山古蹟南省尤多亦只埽除潔淨足備臨觀而已無事崇飾儻有傾圯隨宜補葺悉令動用官項且有吉慶所奏淮商願捐之項可以報銷但當核實不得任有司浮冒其民間張燈結綵聖祖嘗以爲戒載在方冊宜共恪遵慎勿以華侈相尚所司通行曉諭其一切應行典禮著照所議行

上諭關稅盈餘以雍正十三年徵收數目爲定額

恭紀食貨志關權

上諭大學士九卿督撫

恭紀選舉志

重修安徽通志卷七

皇言紀

高宗純皇帝詔諭

乾隆十六年

上諭朕巡幸江浙間俗省方廣沛恩膏聿昭慶典更念東南貢賦甲於他省其歷年積欠錢糧雖屢准地方大吏所請分別緩帶以紓民力而每年新舊並徵小民終未免拮据朕宵旰勤勞如傷在抱茲當翠華親莅倍深軫切用普均霑之澤以慰望幸之忱著將乾隆元年至乾隆十三年江蘇積欠地丁二百二十八萬餘兩安徽積欠地丁三十萬五千餘兩悉行蠲免俾官無望悞民鮮追呼共享昇平之福夫任土作貢歲有常經自應年清年款江蘇積欠乃至二百二十餘萬之多催科不力有司實不能辭其咎而疲玩成習豈民間風俗之澆

滿尚未有盡革歟朕以初次南巡故特加恩格外嗣後該地方官務宜諄切勸諭加意整頓其在小民亦當漸除舊習勉效輸將勿謂曠典可希冀屢邀而惟正之供任其逋負也其浙江一省雖額賦略少於江蘇而節年以來並無積欠豈犬牙相錯之地不齊乃至是歟此其見浙省官民敬事急公之義而江蘇官民所宜懷慙而效法者也朕甚嘉焉著將本年應徵地丁錢糧蠲免三十萬兩以示鼓勵各該督撫共仰體朕惠愛黎元之意嚴飭所屬實力奉行使閭閻咸霑實惠儻有不肖官吏以完作欠希圖侵蝕察出卽行糾參從重治罪並將此通行曉諭知之

諭上下兩江有被災稍重之處曾經加恩將極重之宿州靈璧虹縣五河宿遷邳州睢寧海州沭陽等處次重之鳳陽臨淮懷遠鳳臺壽州霍邱清河桃源安東等處分別加賑朕車駕南巡所有經過之宿

遷桃源清河三縣見其民氣遠遜他處並將所借籽種銀兩全行豁免今聞該地方官展賑之事尙未開期朕省方問俗念切民依若地方官借辦差之名致窮黎嗷嗷待哺殊非仰體朕痼瘼在己之意著布政使永齡星速親往督率該府州縣等卽日按戶開賑並傳諭黃廷桂飭令該州縣正印官不必辦差卽回本任辦理散賑務俾均霑實惠朕回鑾時或尙有不能妥協之處惟永齡是問

上諭據兩江總督奏稱上下兩江去年被水成災最重之邳宿海等州靈璧虹五河宿遷睢寧沭陽等縣次重之壽州及鳳陽臨淮懷遠鳳臺霍邱清河桃源安東等縣三冬已普沾存濟而冬末春初賑期已畢青黃不接民力猶恐難支等語

恭紀食貨志蠲賑

上諭洪澤湖上承清淮汝潁諸水

恭紀河渠志

上諭上下兩江去年被水災民

恭紀食貨志蠲賑

上諭安徽本年歲試文童府學及州縣大學增取五名中學增取四名

小學增取三名

恭紀學校志

上諭朕南巡江浙羣黎士庶就瞻恐後紳士以文字獻頌者載道接踵

恭紀選舉志

上諭問俗觀風南巡江浙清蹕所至廣沛恩膏

恭紀學校志

乾隆十七年

上諭朕聞洪澤湖周圍寬廣五百餘里

恭紀河渠志

乾隆十八年

上諭據舒赫德奏上下江辦理賑務微有互異下江按月照三十日全給上江則遇閒曠扣除等語夫按日給賑例應扣除閒曠是上江合例而下江非是但江南此次被災甚重非尋常偏災可比朕心爲之宵旰靡寧其上江賑務著照下江所辦按月全給不必扣除閒曠以

示優恤嗣後如遇有偏災仍照定例辦理該部卽遵諭行

乾隆十九年

上諭據衛哲治奏稱安省現貯倉穀無幾各州縣捐監生俊除在本部報捐外有願交本色者請在本地收捐其應交穀數悉照乾隆十二年事例辦理等語著照所請安省生俊捐監在部報捐折色外有願交本色者准其在本地收捐以實倉貯仍著該督撫於歲底將各屬共收若干之處彙數奏聞該部卽遵諭行

上諭兩江上年被水地方

恭紀食貨志蠲賑

上諭江南淮揚徐海及靈虹睢宿一帶地方

恭紀食貨志蠲賑

上諭上下兩江被災州縣

恭紀食貨志蠲賑

乾隆二十二年

上諭今春朕恭奉

皇太后鑒與載臨江浙恭紀食貨志蠲賑

上諭朕敬承

祖德問俗觀風嘉惠黎元培植士類恭紀學校志

上諭安徽本年歲試文童廣額恭紀學校志

上諭朕稽古省方載臨江浙將以勤求民隱廣沛恩膏恭紀食貨志蠲賑

上諭從前恩詔內令將各省年久民欠錢糧查明豁免而積欠漕項該部未經查奏恭紀食貨志蠲賑

上諭江浙二省讞獄滋繁陳臬之司素稱劇任茲朕巡省所至覃布恩膏聚庶均霑閭閻愷樂而有罪之人囹圄桎梏實由自取亦何恤焉但念獄一成而不變其中奸民之犯法者固多而無知誤蹈之人亦所時有況未抵乎重辟尙可望其自新用播德音以符寬大所有江蘇安徽浙江等屬軍流以下人犯俱著加恩各予減等發落從此案

牘一清在問刑各官當益勵精勤期於明愼而凡爾百姓更宜各安

本業勉爲良民勿謂曠典可以倖邀而輕干國憲也部議叛逆緣坐強盜免死發遣

家奴吃酒行凶棍徒生事擾害用藥迷拐子女開審誘賣並例

應給披甲人爲奴及擬軍之積匪猾賊情罪較重俱不准減其

餘軍流遣犯俱減爲杖一百徒三年徒罪及雜犯准徒爲杖一

百其已經到配徒犯即行釋放逃徒免緝枷杖人犯寬免應刺

字者並免刺字其已經發遣軍流尚未到配者准其減等發落

再江浙之人有在別省犯案遞回原籍追贖僉配人犯計其犯

事在江浙軍流人犯與江浙現在軍流不同均不在減等之例

上諭淮黃並稱二瀆向來黃河水勢寧夏一經長發即將長水尺寸馳

報下游之河東江南等省預爲防範立法甚善淮河水報自應亦照

黃河之例其上游鎮陽一關爲淮水上下關鍵水勢猶易查驗大汛

時著白鍾山酌委委員在彼探報庶上下游呼吸可通而淮水匯聚

之洪澤高寶諸湖得以先事預籌相機調度著交兩江總督安慶河

明江南河道總督查核如有違延耽擱責成各該管道員挨查究處以重河防

上諭江蘇安徽山東河南四省連界瀕河處所屢年被水昨已降旨交各督撫及河臣會同侍郎裘曰修夢麟等悉心籌辦該處雖向係水鄉此番經理於一勞永逸卽未輕言而從前積水之由與現今疏洩之道必須通盤籌畫得其要領以期水患漸消在該督等自屬分內應辦而欽差旣經受事亦與有責成所有一切興舉工程頭緒繁多須委員分段疏築任得其人方可工歸實用除將現在河工人員及地方正佐各員遴選差遣委用外如或不敷該督撫各酌量地方情形奏聞請旨交部揀選發往以資集事

乾隆二十三年

上諭各省倉儲向例春借秋還

恭紀食貨志儲積

乾隆二十五年

上諭江蘇錢穀殷繁安徽布政使遠駐江寧所辦專係上江事務莫若於江蘇添設藩司分職管理方爲有益前曾降旨該督撫等令其酌議將安徽布政使仍回駐安慶而於江蘇增設藩司一員駐劄江寧分隸管轄一切政務庶可從容就理今據尹繼善等奏到請將江淮揚徐海通六府州分隸江寧藩司管轄蘇松常鎮太五府州分隸江蘇藩司管轄其安徽布政使移駐安慶專辦上江事務等語著照所請蘇州布政使事務現有蘇崇阿管理江寧布政使員缺卽著託庸調補安徽布政使員缺著許松佶調補其應行添設衙署養廉官吏經費各事宜著該督撫等詳悉定議具奏

乾隆二十七年

上諭今春朕恭奉

皇太后鑾輿巡省江浙便道閱視河工海塘與封疆大臣講求吏治民生諸要務念昨冬恭逢

慈恩覃被之餘正東南士民望幸情殷之候翠華所過宜沛隆施益光慶典著將江蘇安徽浙江三省自乾隆二十二年起至二十六年止所有節年災田緩徵及未完地丁各欠項照二十二年例概予蠲免該督撫等其嚴飭所屬悉心核實奉行俾閭閻膏澤均霑毋致胥吏中飽副朕錫類推恩至意該部遵諭速行

上諭朕稽古省方乘春布令而清理庶獄矜卹尤深用沛德音式昭慶典所有江蘇安徽浙江三省軍流以下人犯俱著加恩各予減等發落凡親民之吏其諄切誥誡俾知改過自新共享太平之福

部議照二十二年

年二十四年之例除緣坐等項情罪較重毋庸查辦外其一切尋常軍流遣犯並犯該發黑龍江甯古塔及內遠雲貴兩廣人

犯不在前議之內者一體照例減免

上諭三吳兩浙文風素盛前此清蹕時巡嘉惠膠庠頻增試額恭紀學

上諭安徽本年應試文章廣額恭紀學

校志

上諭尹繼善奏江省額設經制千把外委每因不敷派調酌添額外外委一體差遣請明定章程照經制外委一半之數添設報部備案等語前因吉林將軍恆魯奏請添設差委員弁朕以此等額外增給頂帶之員並非體制如果必須添派自應報部定額現已行查盛京等處另行酌辦今尹繼善復有此奏可見外省似此通融添設者所在皆是矣外委已有經制定數而督撫提鎮等於數外又復自行添委並不報部備案此等員弁雖微均關名器若竟任意派用無憑稽核將來冒濫之漸何所底止在督撫不過爲調遣足用起見而微末無知恃有護符動致滋事亦勢所不免何如通行確核明定章程於官制辦差均爲有益著該部行文各省督撫等查明本處實在有無添

設情形據實報部將各處營分之大小名數之多寡量爲酌定並將添設人員如何拔補經制外委以及一切報部稽查事宜詳悉定議具奏

部議查原設經制外委既按兵數之多寡爲衡則額外酌添自應仍按經制之額數爲斷向來經制外委原與千把等分汛協防是以定數較多至於額外再行增添不過供應一切差使臣等悉心酌議各省外委應照經制原額添設一半已足敷用查蘇州巡撫標下額設經制外委五員今請添額外委十一員未免過多應准其添設二員以上酌定名數行令該撫於兵丁內揀選給補按季報部照經制外委給與頂帶仍食本身糧餉毋庸議給隨程照舊隨營差操怠惰誤公者咨部斥革行走勤慎者遇有把總以及經制外委缺出准其一體揀選拔補通行各該省遵照辦理

乾隆二十八年

上諭據富明安奏江省城垣現在修理完整請嗣後令各道府查勘具結每年歲底督撫據實奏聞等語城垣爲地方保障之資自應一律完固以資捍衛第地方官吏往往視爲具文或任其坍塌不問日久因循或修葺有名無實徒糜帑項皆所不免著各省督撫嗣後令該

管道府將所屬城垣細加查勘如稍有坍塌卽隨時修補按例保固仍於每年歲底將通省城垣是否完固之處照奏報明穀數之例繕摺彙奏一次著於各省督撫奏事之便傳諭知之

上諭據託庸奏亳州懷寧二城現在修竣將來如續有坍塌卽照今修之例聽民自爲經理修補一摺其言雖爲慎重工程起見但此端一開有司奉行不善必致爲閭閻苦累不可不防其漸城垣所以衛民如遇應修之時士民中有急公任事出貲承修者原有議敘之例以示鼓勵至現在完竣之處保固自在工員與地方官使竟定爲民修不惟在事者得以藉口且恐不肖胥吏從中因緣苛派所關尤匪淺鮮設現今修理之城垣附近居民轉或有偷竊輒料作踐等情事自宜嚴禁犯者治以應得之罪可耳何得竟定爲閭閻認修之例致滋弊累耶託庸著飭行仍將通諭各督撫知之

乾隆二十九年

上諭據託庸奏安徽省應修城垣三十四處現在收捐銀數已敷應用其餘具呈未收銀兩聽士民陸續完納等語該省勸輸報捐原爲估修城工之需旣已捐輸足數自應卽行停止所有報捐未收銀兩亦可聽其自便至修理城垣所以衛民在急公者旣得邀頂帶以榮身而無力貧民亦可藉工餬口其事洵屬有益江蘇省前曾奏准一體捐修昨浙省亦經奏明仿照辦理戶部以三省不便同時報捐議駁今安徽省旣停止收捐則此項捐例自應歸江蘇專辦俟江蘇收足後遞及浙江此外各直省如有應修城工費用浩繁必須捐修者亦可隨時奏聞以次仿照遞辦將此通諭該督撫知之

上諭荆山橋水利河道地屬江南

恭紀河渠志

上諭前將周易述義詩義折中春秋直解告成

恭紀學林志

乾隆三十年

上諭朕恭奉

皇太后安輿四巡江浙東南黎庶望幸情殷宜布渥恩用光盛典恭紀食貨

志蠲

上諭朕時巡江浙清蹕所經恩膏塗沛軍民士庶無不忭舞臚歡而清

理庶獄亦矜恤所宜選用循舊典以廣深仁著將江蘇安徽浙江三

省軍流以下人犯俱加恩各予減等發落俾得改過自新勉爲良善

共享太平之福部議緣坐等項情罪較重人犯照二十七年之例毋庸查辦

上諭向來選拔貢生定例惟府學准選二名州學縣學均係額取一名

茲著加恩將江蘇安徽二省所有分設各縣准於本年選拔時每學

各取一人恭紀學

上諭三吳兩浙文風素盛其將江蘇安徽浙江三省本年應試文章增

重修安徽通志卷七

取恭紀學
校志

乾隆三十一年

上諭湖廣江西浙江江蘇安徽河南山東漕米著接年分省蠲免一次

恭紀食貨
志蠲賑

上諭前經降旨將各省漕糧分年普免

恭紀食貨
志蠲賑

乾隆三十二年

上諭前於乾隆十七年通行蠲免直省應徵錢糧曾令各督撫轉飭州縣官勸諭有田之家酌減佃戶租糧使之均霑惠澤上年春初朕特沛恩施降旨將各省起運漕糧分年蠲免一周俾薄海農氓共叨樂利在有田業戶於輪輸漕米之年已得倍裕蓋藏而佃戶等尚未得一體仰邀曠典著各省督撫屆輪蠲年分通行曉示勸諭各業戶等照每畝應蠲漕米數內亦令佃戶免交一半務期愷澤均敷使納糧

力稿之人倉箱並資盈阜該部遵諭卽行

乾隆三十三年

上諭高晉奏上下兩江地方本年五六月間雖間得雨澤未能一律普
徧近水低田尙可車引高阜之區難於耳灌時已及秋不能趕種襍
糧等語所奏爲時太遲已於摺內批飭矣朕於農田晴雨常塵宵旰
每諭各督撫隨時入告冀得周知薄海民生休戚早施補助今兩江
夏雨愆期地方政務孰有要於此者該督等所司何事豈竟漠不動
念不及早據實上聞乎至該處水鄉窪地可引漑蒔秧者收成自不
致歉薄其高山山阜趕種旣逾節候恐不免有偏災朕心甚爲軫念
著該督撫迅速查明通省各屬有被旱成災應行賑恤之處卽行董
率屬員實力妥協查辦毋使閭閻稍有失所以副朕惠愛黎元至意
仍一面將辦理實在情形速爲奏覆其應緩徵者卽行緩徵以紓民

望該部卽遵諭行

上諭聞兩江江西等省民間行用制錢內多有撓入翦邊小錢者雖經地方官查禁其風總未能止息此等匪徒敢將制錢私自翦邊銷毀殊干法紀雖聞有查出治罪者不過民間零星使用究之伊等所翦錢邊碎銅非另鑄私錢卽改造器皿售賣時必有蹤跡可尋若卽將另銅鎔化總賣亦必有銅鋪向其收買市井細民安得盈千累百之銅其形跡更易於推究若於此嚴密訪拏方爲正本清源之道著傳諭高晉彰寶馮鈐吳紹詩等卽督飭所屬實力上緊緝拏務將窩主及售賣店家嚴行追訊使奸匪無從潛匿以杜根株毋得僅以具文塞責

乾隆三十四年

上諭安徽上年得雨稍遲間被偏災著加恩加賑

恭紀食貨志蠲賑

上諭學政舉報優生

恭紀選
舉志

乾隆三十五年

上諭朕寅承丕緒撫有萬方申旦求衣無日不以勤卹民依爲念是以
勅農省歲減賦追徵不靳多費帑金期間閭閻共臻康阜溯在乾隆十
一年丙寅朕御宇周旬肇敷闡澤曾恭依

聖祖普免天下錢糧恩例蠲除直省額徵正賦二千八百萬兩有奇越
在三十一年丙戌際當必世興仁益惟比戶饒裕是計復下詔將應
徵漕米省分照康熙年例概蠲一次俾各倉箱盈衍倍積耕餘適年
以來甯宇乂寧民氣和樂惟

上天享佑我邦家海錫康年頌符綏屢朕祇膺

昊蒼鴻眷其可不究澤推仁以與我海內元元答茲

嘉貺我國家席全盛之模內外經費度支有贏無絀府庫所貯月羨歲

增因思天地止此生財之數不在上卽在下與其多聚左藏無寧使
節節部屋自爲流通迺者仰紹

列朝貽庥化成熙洽爲民藏富欣際斯辰且今年爲朕六十誕辰明歲
恭逢

聖母八旬萬壽普天忭祝慶洽頻年尤從來史冊所未有是宜更沛非
常之恩以協

天心而彰國慶茲用乘春頒令誕布陽和著自乾隆三十五年爲始將
各省應徵錢糧通行蠲免一次其如何分年遞蠲之處著大學士會

同該部卽速詳議具奏

部議查上屆普蠲之時按照各省地丁錢糧數目均勻搭配合分作三年輪免今次應循照

辦理所有直隸河南湖北湖南貴州雲南安徽七省共計地丁錢糧銀九百七十二萬四千四百餘兩俱請於本年全行蠲免其江蘇江西福建陝西甘肅廣東廣西四川八省共計地丁錢糧銀九百四十九萬四千三百餘兩請於次年全行蠲免奉天浙江山東山西四省共計地丁錢糧銀八百七十二萬七千八百餘兩請於壬辰年全行蠲免至於各直省蘆課漕項例不蠲

錢均應照舊收納又應徵地丁錢糧內隨徵耗羨一項係充地方一切公用並非解部之款上屆普免案內定議照例輸納此次應徵耗羨亦應照舊徵收畱充地方公用其有向年緩徵帶徵之項應於各該年徵收者不便以正項既蠲再行展限轉至下年折舊並徵應請遇有緩徵帶徵銀糧省分仍於蠲免之年照例徵收

上諭朕惠問閭俾益藏富始和布令將直省應徵正賦普免一周因思有田業戶應納條銀者既已廣被恩膏則食力佃農自應亦令其分給渥澤前此丙寅丙戌二年普蠲錢糧漕米曾諭各業戶就所蠲之數量減佃租伊等亦深知感戴朕恩推施亞旅此次又值加恩普免著各該督撫遇輪蠲之年徧行勸諭各業戶等照應免糧銀十分之四令佃戶准值減租使得一體仰邀慶惠在有田之家歲入所資固難強其分逮而正供既免食德宜均諒無不共稟天良歡忻從事佃戶等亦不得因有此旨藉口抗租以副朕一視同仁至意

上諭安徽各屬上年因春夏雨多或江湖泛漲被有偏災著加恩加賑

恭紀食貨
志蠲賑

乾隆三十六年

上諭昨裴宗錫奏安徽買補倉穀請照江蘇巡撫薩載奏准之例於正價外每石增銷運腳銀八分經戶部議駁以薩載所奏係特旨俞允之案未便援照請增已依議行矣但恐江蘇安徽兩省向來采買穀石報銷價值相同今江蘇既因現在購運不敷允其加增運腳安徽事同一例亦著加恩准其每石於正價外增銷腳價銀八分各省不得援以爲例

乾隆三十七年

上諭據李瀚奏請停編審造冊一摺所見甚是已批交該部議奏矣第思編審人丁舊例原因生齒繁滋恐有漏戶避差之弊是以每屆五年查編造冊以備考覈今丁銀既皆攤入地糧而滋生人戶又欽遵

康熙五十二年

聖祖恩旨永不加賦則五年編審不過沿襲虛文無裨實政況各省民
穀細數俱經該督撫於年底專摺奏報戶部核實具題付之史館紀
載是戶口之歲增繁盛俱可按籍而稽更無藉五年一次之另行查
辦徒滋紛擾此摺毋庸交議嗣後編審之例永行停止將此通諭各
督撫知之

上諭據戶部議奏乾隆三十七年鳳陽關徵收盈餘銀兩較上屆短少
七萬一千三百餘兩又淮安關盈餘銀兩短少九萬八千五百餘兩
均請交高晉派員確查據實具奏各摺俱依議行矣盈餘非關稅額
徵每年贏縮原不能盡一然亦當約計不相上下竟致多寡懸殊自
不可不徹底清查以期核實防弊但歷年以來俱視上屆爲比較非
特少者易於見細卽多者亦恐歲日加增伊於何底從前曾經降旨

盈餘悉以雍正十三年爲準因其時正當諸弊肅清豐約適得其平
是以用爲成則如果較核相倣尙在情理之中今鳳陽關短少數目
雖較上年驟減七萬餘兩而較之雍正十三年計多銀二萬六千餘
兩今數尙勝於前至淮安關短少數目比上年短少之年又短至九
萬餘兩卽較之雍正十三年亦尙短六萬餘兩之多其間殊不可解
必有別故該監督等每以過關船隻稀少爲詞不知估舶流通往來
不絕卽或間有多少亦斷無一年之內商販裹足不前至於此極其
中必別有因監督屢更乘機收多報少及影射侵漁情弊希圖藉詞
朦混尤當切實嚴查使之水落石出著傳諭高晉卽將淮關鳳陽關
二處究係因何虧短各情由派委明幹大員嚴密訪查務得實在真
情據實具奏毋得任其少有欺飾

乾隆三十八年

上諭裴宗錫覆奏查辦軍屯一案據稱糧道林文德稟請將上下江無
爲等十七州縣向不歸運之裁衛屯田一槩加徵津費該撫以加徵
津貼事屬創始必須確查實在情形酌籌尙無定議等語所辦非是
而加徵之名更屬不能深體朕意前經嘉謨陳奏屯田原以贍丁若
聽其私相售買丁力必致日疲是以令各該督撫查辦原指近年出
運屯田之典賣在民者而言卽須徹底清查亦祇可從乾隆年間查
起辦理尙易爲力其在雍正年間者已屬年遠難稽若國初早經裁
并州縣田地久按民賦起科更難悉行追溯卽其中有較民賦輕者
尙得云借屯田爲影射若已與民賦相等及加重者小民又何所利
而爲之此理之顯而易見者裴宗錫何見不及此耶至於實係屯田
有據則係逃軍入民之類應酌爲津貼仍屬以屯濟運自相資助亦
不宜稱官爲加徵朕惠愛百姓普蠲恩免不下數千百萬惟期家給

人足樂利永臻何獨清釐屯糧一節欲舉百餘年相沿之民產一旦忽議加賦朕豈肯爲之卽謂疲丁宜恤又豈可因恤丁而轉以累民乎況旗丁如果疲乏亦必以漸而致從前楊錫紱爲總漕最久頗能體恤運丁何未聞其議及於此豈丁力獨疲於近日乎其間或實係屯產轉售他人而豪猾者貪圖輕賦以逞其侵隱此等官爲之經理實所宜然若因此而追究遠年之民產且定以官爲加徵之名則斷乎不可此事著交高晉妥協查辦迅速完結毋致稽延時日其江蘇省並著一體照此旨辦理

乾隆三十九年

上諭上年安徽省雨水過多夏麥秋禾兩被災傷著加賑以資接濟

恭紀

食貨志
蠲賑

乾隆四十一年

上諭昨歲安徽江蘇地方恭紀食貨志蠲賑

乾隆四十二年

上諭前因

聖母萬壽特宏錫類之仁普蠲各直省錢糧以昭慶惠朕本欲俟恭祝聖母九旬萬壽之年再溥恩施一次茲者

仙馭升遐此後更無可推廣

慈仁之處現在部庫帑項又積至七千餘萬著再加恩自戊戌年爲始普蠲天下錢糧仍分三年輪免俾寰宇億兆人民仍得其被

慈恩永申感慕而朕終天罔極之忱雖不能仰酬萬一庶幾藉茲稍展

其如何輪派年分著戶部卽速悉心核奏遵行部議查各省除蠲課

外其地丁錢糧額銀約共二千七百五十九萬四千餘兩請將直隸江蘇安徽四川陝西甘肅雲南貴州等入省地丁錢糧共銀九百二十八萬餘兩於戊戌年全行蠲免山東山西浙江湖南湖北等五省地丁錢糧共銀九百四十七萬六千餘兩於己

亥年全行蠲免奉天併吉林所屬山西河南福建廣東廣西等
六省地丁錢糧共銀八百八十二萬七千餘兩於庚子年全行
蠲免至應徵地丁錢糧內隨徵耗羨一項係充地方一切公用
並非解部之款節次普免案內定議照例輸納此次亦應照舊
徵收留充地方公用其有向年緩徵帶徵之項應於各該年徵
收者不便以正項錢糧再行展限轉致下年徵售並徵應請遇
有緩徵帶徵錢糧省分仍於蠲免之年照例徵收
所有各省歲需經費銀兩臣部另行籌酌辦理

乾隆四十三年

上諭安徽亳州等州縣被災較重著照例撫卹

恭紀食貨志蠲賑

上諭大學士管兩江總督高晉閩浙總督楊景素等合詞陳奏以江浙

臣民望幸甚殷且河工海塘皆冀親臨指示懇請於庚子春再舉南

巡盛典以愜輿情一摺朕於乙酉南巡回鑾時因耆儒攀戀情殷曾

許以翠華再莅然敬念

聖母皇太后春秋已高難以再奉

安輿長途遠涉遂諭江浙大吏不必更以南巡為請而江鄉士庶愛戴

依戀之情狀未嘗不往來於懷。距今已十有四年。其嚮望惘恍自益。肫切且自前巡閱定五壩水誌。以爲展拓清口之準。下河從此遂免水災。嗣聞黃河倒漾所繫甚重。因酌定挑濬陶莊引河。面諭薩載籌辦。河成而清黃交匯處移遠清口。不復有倒灌之患。但下游尙有停淤。亦不可不除其流弊。而一切善後事宜。若非親莅閱視。究不能悉其實在情形。至浙省海塘近來潮勢漸趨北岸。深爲座念。亦不可不親爲相度機宜。今高晉等既有此奏。著照所請。於乾隆四十五年正月。諭旨。啟鑾巡幸江浙。便道親閱河工海塘。所有各處行宮座落俱就舊有規模。略加葺治。毋得踵事增華。致滋煩費。至該督等以庚子年適逢朕七旬萬壽。欲就近舉行慶典。則斷不可。朕本意以庚子年爲朕七旬慶辰。越歲辛丑卽恭逢

聖母九旬萬壽。斯則敷天同慶。自當臚歡祝

以抒萬姓惻忱今既不能遂朕初願尙復何心爲己稱慶况朕蹕途
所經老幼歡迎扶攜恐後未嘗不顧而樂之若經棚戲臺侈陳燈綵
點綴紛華飾爲衢歌巷舞深所不取且非所以深體朕意也不特江
浙臣民不當爲祝釐之舉卽凡內外大小臣工於朕七旬萬壽時亦
均不得請行慶典以及進貢獻詩若伊等爲欲藉以申其尊敬之誠
是轉增朕心之不悅尙得謂之忠愛乎但天下士民遇朕七旬萬壽
皆不免望恩倖澤此則情理之常朕亦何肯因不舉行慶典併靳恩
施乎著於己亥年八月舉行恩科鄉試庚子年三月舉行恩科會試
以彰壽考作人之盛至各省漕糧於乾隆三十一年普免一次茲蒙
吳蒼谷佑累洽重熙朕敬體

天心愛養億兆用是再沛恩膏著於庚子年爲始復行普免天下漕糧
一次俾藏富於民共享盈寧之福所謂斂福錫民慶莫大焉其開科

事宜著交禮部查例辦理其各省漕糧應如何分年輪免之處著交

戶部詳悉妥議具奏將此道諭中外知之部議四十五年免河南

州府江太倉海州通州六府州屬四十七年免江蘇之江甯蘇州揚

州二府屬四十八年免浙江之嘉興府屬四十九年免浙江之杭州湖

五十年免湖南省並免江西之南昌饒州南康廣信四府屬五

十一年免湖北省並免江西之瑞州臨江吉安撫州建昌贛州

六府屬仍分作七年並免行蠲免之項上欽奉特恩一體概

予豁免此項應遵辦至各省隨漕等項銀米向遇蠲免體

糧年分節經臣部酌議仍照額徵收以爲停運丁船支給月糧

及京口兵糧之用如有餘剩報部酌撥此次亦應照額徵收

各省徵收動支數目多寡不一上項山東湖廣等省應徵隨漕

銀米據該撫等以爲數無多且應需之項又有倉存米穀可以

動給奏請緩俟次年按數徵收還項其江蘇等省徵收隨漕銀

米爲數較多因係京口兵糧及丁船減半月糧等項之需據該

督撫奏明仍請照額徵收以供支放是各省情形不同一切條

規應令該督撫照上章章程辦理並令刊布
行曉諭轉飭地方官將應免漕糧應徵隨漕糧米詳細分核填
發清單分給各戶俾使遵循再直隸保定雄縣駐防兵丁歲需
兵米一萬二千餘石向係在於豫東二省新運米內各半動撥
搭運天津北倉交卸今該二省漕米既竭所有應需兵食自應

預爲籌辦查豫東二省停運薊糧一項本係留備直省不時之需現在積貯尙多前項應需兵米應令在於該二省附近水次存貯薊糧米內遇缺免該二省之年卽將此項薊糧用漕艘如數運供以裕兵儲

乾隆四十四年

上諭據閩鄂元奏各省郡邑志書內如有登載應銷各書名目及悖妄著書人詩文者請一概俱行剷削等語所奏甚是錢謙益屈大均金堡等所撰詩文久經飭禁以裨世教而正人心今各省郡邑志書往往於名勝古蹟編入伊等詩文而人物藝文門內並載其生平事實及所著書目自應逐加芟削以杜謬妄至從前各省節次繳到應燬書籍經朕發交館臣覆看奏定應行燬銷者俱經該館陸續咨行各省自可遵照辦理著傳諭各督撫將省志及府州縣志書悉心查核其中如有應禁詩文而志內復采錄并及其人事實書目者均詳悉查明概從芟節不得草率從事致有疏漏

上諭亳州蒙城一帶被災較重著再賞給口糧

恭紀食貨志蠲賑

上諭向來各省提鎮以下至將弁等

恭紀武備志

上諭國家設兵衛民簡核軍實期於行伍整齊兵額充足

恭紀武備志

旨此次挑補各省名糧議給武職養廉

恭紀武備志

上諭據金簡奏現在各省增設額兵多寡不一若分布各營其勢散其力亦單請於督撫所駐省會將此項增添之兵歸隸督撫本營以資彈壓一摺

恭紀武備志

乾隆四十五年

旨安徽積欠丁漕等款著全行蠲免

恭紀食貨志蠲賑

上諭三吳兩浙文風素盛前此清蹕時巡嘉惠膠庠特增試額

恭紀學校志

上諭朕鑒輅時巡乘春行慶而清理庶獄矜恤尤深用沛德音式敷愷澤所有江蘇安徽浙江三省恩詔後軍流以下人犯俱著加恩各予

減等發落用昭肆貨施恩至意部議應減不應減條款照三十年之例辦理

乾隆四十七年

上諭上年安徽鳳陽泗州等屬被淹著概行加賑一月恭紀食貨志蠲賑

乾隆四十八年

上諭上年安徽鳳陽等屬被淹著概行加賑一月恭紀食貨志蠲賑

乾隆四十九年

上諭江省為財賦重地茲入疆伊始渥澤宜覃恭紀食貨志蠲賑

上諭安徽亳州等屬錢糧著分別蠲緩恭紀食貨志蠲賑

上諭江浙兩省文風素盛前此翠華臨幸曾降旨增廣試額恭紀學校志

上諭朕清蹕巡方順時行慶而矜恤庶獄塵念尤深宜沛德音用救愷

澤江蘇安徽浙江三省軍流以下人犯俱著加恩各予減等發落用

昭肆貨施惠之至意部議照四十五年之例除叛逆緣坐強盜免死發遣家奴賣酒行凶棍徒生事擾害刑案迷拐

子女開竈誘賣為從等例應給披甲人為奴改遣之積匪備賊
以上為首不及三十為從並擬絞決減等及偷創人參私錫十千
項人犯俱情罪較重不准減等外其餘尋常軍流遣犯並犯診
發遣黑龍江甯古塔及雲貴兩廣不在前議條款之內者俱減
為杖一百徒三年徒罪人犯減為杖一百准徒總徒遞減一年
已經到配決杖徒犯即
行放釋逃徒並免籍拏

乾隆五十年

上諭上年安徽亳州田畝被淹著再行加賑一月

恭紀食貨志蠲賑

上諭亳州等十五州縣著分別酌借籽種賞給口糧

恭紀食貨志蠲賑

上諭據書麟奏安徽等各府州縣屬自五月以後雨澤愆期田禾未獲

播種齊全秋收勢已歉薄查安省漕糧於明年即屆輸免之年可否

改於本年蠲免俾全省早霑閭澤等語所奏甚是本年安省各屬被

旱較廣業經疊次加恩緩徵賞給口糧並前後截漕十五萬石以備

賑恤但雨澤既稀農田秋收不免薄歉民間口食自倍形拮据著照

所請將安徽省乾隆五十一年應行輪免漕糧准其改於本年蠲免俾閭閻無事輸將得以安心耕作以副朕軫念窮民有加無已之至意該部遵諭速行

上諭據書麟奏安徽省桐城廬江等處紳士有誼篤桑梓者或出餘米減糶或釀金粟縣請票前赴江西販米至本籍減糶等語安徽省安慶廬州等府屬被旱成災該處紳士誼敦任卹減價出糶甚屬可嘉著該督撫查明其有幾人據實奏聞照例賞給議敘以示優獎

上諭據吳垣奏籌辦採買糶賑事宜接濟民食一摺內稱四川產米最廣現仍招商採買僅彼處商民自行販運到楚如欲運赴江蘇安徽者毋許攔截阻滯若自願沿途銷售亦聽其自便俾湖北江蘇安徽三省俱得均勻接濟等語所辦甚好爲大臣者皆當如此存心不分畛域方是已於摺內詳晰批示江蘇安徽向皆仰給於川楚等省諺

云湖廣熟天下足今湖北被旱地方較多勢不能不藉川米以資口食如湖北商人赴川採買李世傑當明切曉諭令川省人民毋得居奇抑遏使以川省之有餘濟湖北之不足而川省商販米船到楚湖北民人不可狃於平日之糧價平減不肯加增價值希圖賤糴至令商販無所獲利裹足不前特成額吳垣當出示勸諭以湖北民人因地方繁庶豐年不知撙節粒米狼戾以致

上天示譴被旱成災今鄰省販運到境災民口食有資益當共相引咎激發天良卽商販圖利索價稍昂亦應增值糴買稍費已資俾商人得需餘潤亦弭災徼福之道如此明切開導庶商運得有利息自當源源而來可無缺乏至川省米船過楚運赴安徽江蘇者湖北省亦不可盡數截留庶上下兩江均資接濟如此則四川江西米船皆接續前往安徽江蘇二省米糧自應湊集其本省商民亦不得觀望居

奇過昂其價薩載書麟務須飭屬徧行曉諭俾米糧流通價他不至騰踊似此通盤籌辦彼此照應則三省歉收地方均有裨益吳垣摺併著鈔寄各督撫閱看仍將如何招徠勸諭情形迅速覆奏

上諭本年河南山東江蘇安徽湖北等省春夏之間雨澤缺少被旱處所較多業經節次降旨分別蠲賑各該處災黎餬口有資自不致復虞失所惟是被災地方米糧價值昂貴該處兵丁所得月餉恐不敷買食生計未免拮据著傳諭河南山東江蘇安徽湖北各督撫卽查明坐落災地各營兵丁其被災較重者賞借兩月餉銀於明年夏秋二季扣還被災稍輕者賞借一月餉銀於明年夏季扣還俾得養贍身家無虞食貴該督撫其實力體察奉行以副朕體卹兵丁之至意

乾隆五十一年

上諭上年安徽被災較重之亳州等十九州縣再行加賑一月

奏摺
錄

賑

上諭上年安徽省旱災較重該州縣著賞給口糧

恭紀食貨志調賑

上諭據書麟奏太湖縣唐家山地方鄉民掘挖藏根見土內稞有黑米磨粉攪和好米煮食頗可充飢民間風踵至創挖等語此項創出黑米或即從前窖藏之物但唐家山地方並無民人居住或竟係天地生出以濟饑民口食亦未可定該處既有此自然之利爲數較多恐遠近居民聞風創挖以致攘奪紛爭亦所不免現在雖有該縣駐彼彈壓但必須妥協管束俾小民既得藉資貧乏仍不致忿爭生事方爲妥善著將此傳諭該撫飭屬加意彈壓勿令滋生事端併查明該處民人創挖時有無爭競之處據實覆奏